


# 宛陵先生詩集

世五之四



|      |   |   |   |
|------|---|---|---|
| 漢書門類 |   |   |   |
| 三    | 四 | 二 | 三 |
| 一    | 二 | 七 | 三 |
| 一    | 二 | 函 | 號 |
| 一    | 三 | 架 | 冊 |

|      |   |   |   |
|------|---|---|---|
| 內閣文庫 |   |   |   |
| 三    | 四 | 二 | 三 |
| 五    | 一 | 三 | 三 |
| 函    | 冊 | 號 | 類 |
| 八    | 架 | 冊 | 號 |

|      |     |       |  |
|------|-----|-------|--|
| 內閣文庫 |     |       |  |
| 番號   | 漢   | 3423  |  |
| 冊數   | 13  | ( 9 ) |  |
| 函號   | 315 | 40    |  |



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak









宛陵先生集目錄卷第三十五

五淺草文庫

和吳興五題

和行之芭蕉

從織

吳仲庶邀和六篇

和答宣城張主簿

送崔寺丞

辨疑贈獻甫

盜儒

宣城郭宰遺林檎

自和

送王奉職之彭澤

寄潘歙州伯恭

再寄潘歙州

和末叔答原甫

依韻酬末叔

依韻酬末叔再示





池州蕭相樓

雜興

夢後寄永叔

送王著作赴壽安

次答了素上人

送黃通判入浙

烏啄棗

真上人因送傷足

和酬潘歙州

潘歙州寄紙并硯

始見白髭

送了素游廬山

目錄終

宛陵先生集卷第三十五

宋宛陵梅堯臣聖俞著

依韻和正仲賦楊兵部吳興五題

雨過見虹明長橋欲映城  
愔間晴氣入空際  
晝涼生有扇徒看畫  
無冰自覺清人知  
太守姓不減漢公名

清風樓

在昔有佳句  
故人如遠來  
競生吳客袵  
不上楚王臺  
稍拂清樽動  
時吹翠帟開  
長安在何處  
水



烏望巾廻

明月樓

雪雪前溪白蒼蒼後嶺巍人疑槎上客星合蚌  
中暉影轉闌干迥盃行漏鼓稀只知誇粉黛不  
向桂邊歸

碧瀾堂

虛雲臨滉漾橋勢對隆穹環珮佳人去汀洲翠  
帶空橘舫過砌下蘭棟起雲中欲問芳菲地吳  
王一廢宮

逍遙堂

江東有賢守好客似春申自構杏梁地不生珠  
履塵樂章思季子後俊得吳均寢卧在其下知  
君學至人

依韻和行之都官芭蕉詩

看取有心常不展亦知隨分坼佳葩無端大葉  
映蓮幕却笑菖蒲罕見花

促織

札札草間鳴促促機上聲織女夜中起明河簷



外橫一絲不入杼踈密工未精豈知天孫巧衣  
脫六銖輕人間唯貴重暗蟲休催成

吳仲庶殿院寄示與呂冲之馬仲涂唱和  
詩六篇邀予次韻焉

次韻被命出城共汎

三驄忽出乘楚艘直氣突兀如吳濤大都智勇  
皆世豪橫身破浪親戰矧廻舷受箭誰畏曹猛  
士心伏寒生毛風聲鶴淚傳九臯何用寶刀稱  
孟勞右持酒盃左持螯功成各慕前人高不言

大享烹太平下與尺鷃翔於蒿

依韻游陳留禪寺後池

共逢香刹住萬景筆頭堆池水蛟龍盡汀洲鴈  
鷗來遠遊情莫落去國意徘徊舟子休敲鼓王  
程不爾催

次韻晚泊睢陽

日下繡衣客江南燕尾艤跡雖同鷁退心不假  
犀涼舊國旌旄去包原苑囿荒臨堤一懷古柳  
上見微陽



汴渠

我實山野人不識經濟宜聞歌汴渠勞謾綴汴  
渠詩汴水源本清隨分黃河枝濁流方已盛清  
派不可推天王居大梁龍舉雲必隨設無通舟  
航百貨當陸馳人間牛驪驢定應無完皮苟欲  
東南蘇要省聚歛爲兵衛詎能削乃須雄京師  
今來雖太平盡罷未是特願循祖宗規勿益羣  
忌之譬竭兩川賦豈由此水施縱有三峽下率  
皆靡允資慎莫尤汴渠非渠取膏脂

次韻臨淮感事

楚舸高帆未可開滿帆風暴作陰雷聖文豐豐  
傷漂溺世路紛紛自往來浮磬猶聞傳激越沉  
妖不見鎖淵回連陂龍鬣鳴無數安得周官爲  
灑灰

次韻夜過新開湖憶二御共泛

出舟湖渺渺月白絕纖氛已見水如鑑莫生波  
上雲獨征河慕侶冷酌不知醺露下清吟久同  
心本愛君



答宣城張主簿遺鴉山茶次其韻

昔觀唐人詩茶韻鴉山嘉鴉啣茶子生遂同山  
 名鴉重以初槍旗采之穿煙霞江南雖盛產處  
 處無此茶纖嫩如雀舌煎烹比露芽競收青蕪  
 焙不重漉酒紗顧渚亦頗近蒙頂來以遐雙井  
 鷹掇爪建溪春刺葩日鑄弄香美天日猶稻麻  
 吳人與越人各各相鬪夸傳買費金帛愛貪無  
 夷華其苦不一致精麤還存差至珍非貴多爲  
 贈勿言也如何煩縣僚忽遺及我家雪貯雙

鑿詩琢無玉瑕文字搜怪奇難於抱長蛇明珠  
 滿紙上剩畜不爲奢玩久手生胝窺久眼生花  
 嘗聞茗消肉應亦可破寂飲啜氣覺清賞重歎  
 復嗟歎嗟既不足吟誦又豈加我今實強爲君  
 莫笑我耶

送寧國軍宰崔寺丞移臨安

六月畏嶺險乃陟川程迂遙看雲中鴈不亂江  
 上鳧魚網離飛鴻我邑望何殊鱗方懷其剖鳥  
 反值以剗爲言等王民豈限楚與吳是維見戀



慕作詩贈路隅

辯疑贈獻甫

一客逢吠狗無筆制狗狂一客叱狗吠一客言  
狗良良狗豈妄吠好言已莫詳言乃仁之趨叱  
乃義所當趨仁不顧義非是助狗猖吾今不疑  
仁仁義嗟何妨

盜儒

其衣乃儒服其說乃墨吳天生物一本今爾二  
本為爾忍不葬親委以飽狐狸吾心則孟子不

聽爾矢辭

宣城宰郭仲文遺林檎

右軍好佳果墨帖求林檎君今忽持贈知有逸  
少心密枝傳應遠朱頰映已深不愁炎暑劇幸  
同玉漿斟

白和

陶公種五柳華氏戲五禽達性與養生共得古  
人心佳果能御暑致之意何深河朔存故事助  
飲莫憚斟



送王克憲奉職之彭澤

折柳贈子行况聞彭澤去將過五株下可與青  
青助渭城人唱罷羌管愁吹處江上定多閑踈  
陰就箕踞

寄潘歙州伯恭

我貧性愛酒有酒無錢沽新安走牙兵六月至  
我廬手中持尺題肩上海瓦壺高山度青天救  
此愁腸枯開之聊傾樽渴肺如澆酥醉來欲學  
李白騎鯨魚又思阮籍跨蹇驢上溪無健鱗下  
嶺無壯駒憶君南望空長吁

再寄歙州潘伯恭

青山截天去古路蔽雲中不有行人至安知與  
郡通高樓雖窈窕遠樹已溟濛今日勞君問衡  
門一老翁

依韻和宋叔澄心堂紙答劉原甫

退之昔負天下才掃掩衆說猶除埃張籍盧同  
闔新怪最稱東野爲竒瑰當時辭人固不少漫  
費紙扎磨松煤歐陽今與韓相似海水浩浩山



菟兔不君蘇君比盧籍以我擬郊嗟困摧公之  
此心實扶助更後有力誰論哉禁林晚入接俊  
彥一出古紙還相哀曼卿子美人不識昔嘗吟  
唱同樽壘因之作詩答原甫文字駛穩如刀裁  
怪其有紙不寄我如此出語亦善詼往年公贈  
兩大軸于今愛惜不輒開是時有詩述本末值  
公再入居蘭臺崇文庫書作總目未暇綴韻酬  
草萊前者京師競分買罄竭舊府歸鄒枚自慙  
把筆粗成字安可遠與鍾王陪文高墨妙公第  
一宜用此紙傳將來

依韻酬永叔示予銀杏

去年我何有鴨脚贈遠人人將比鵝毛貴多不  
貴珍雖少未爲貴亦以知我貧至交不變舊佳  
果幸及新窮坑我易滿分餉猶奉親計料失廣  
大瓊屑且沉淪何用報珠玉千里來慙慙

依韻酬永叔再示

前歲守廩京城西有如勾踐巢會稽引盃嘗膽  
未雪耻怒蛙起揖當泮蹄海天白日蔽光影霹



一過收雲霓九臯澄明鶴翅濕欲暮刷羽聲  
嘶嘶客來東方美鬚鬣夜光出袖行無迷授予  
照眼已希世自顧臭羸猶萍蓬文章製作比善  
塑物象變怪一以泥泥雖各用有巧拙巧之高  
絕非由梯又聞東夷蹈水底騎頸直踞通天竿  
曼卿子美樓入室似使二嫂治朕棲舜歸在牀  
不可得此實素分非能齊而今我獨向田里秋  
稼已熟烹黃雞自傾白酒坐溪上誰念往日無  
梁穉隣邦或有寄嘉釀瓦罌土缶盛玻璃昨喜  
得書書滿紙官尊職大憐我睽怪我書亂苦簡  
畧疲駑豈敢攀駿驪貴賤交情古來有習中不  
欲置畛畦世間百事狀著意但願無病年壽躋  
田園未多亦粗給兒女况足資提攜終當去問  
綿上叟自與野老月下犁

池州蕭相樓

復所建

樓中九華峰天削水蒼玉公圭何參差來雲自  
聯續我思唐蕭家八人居宰錄瑤嵩華復朱欄  
幾廢興下視寒江曲吳侯來爲邦百事無窮束



新之以登臨風月詠玩足安得黃鶴翼一舉遺  
世俗

雜興

苦棟樹青鶉鴣啄鹽土鳴鳴鳴老鴉啣茶子爭  
噪落嶺隅不覺茶滿山漁利入江湖鹽由鶉鴣  
起茶由老鴉趨誘以觸禁網二鳥誰與誅  
東家月吐明西家犬爭吠玉兔在中天曾何競  
窺穢姮娥雖夜行莫比淫奔廢嗷嗷籬下音胡  
不鈴其喙

夢後寄歐陽永叔

不趁常參久安眠向舊溪五更千里夢殘月一  
城雞適往言猶是浮生理可齊山王今已貴肯  
聽竹禽啼

送王著作赴西京壽安

翔向

去作西畿令當趨大尹庭閒尋前代跡淨掃古  
槐廳未慣餐周粟還應憶楚萍但逢花木處知  
我昔常經

答了素上人用其韻



予心每淡泊世路多變詐梟鳴與鵬任何用思  
彈射空山雖夜行猛虎終不怕功名未逢時壯  
士且出跨七尺無競軀市人應亦訝有香知害  
身扶臍見窮麝一朝珠出淵百金未酬價爾尋  
遠公去挈鉢廬峯下我趨仁義急不解如陶謝

送通判黃國博入浙

西風半空鳴且噉吳天點破吳鴻高東溪車馬  
走送客白露衰蘭輕若毛客當西歸乃東去爲  
何欲及八月十五夜觀洪濤洗蕩生前色色

平氣付與滄海之水隨滔滔却來廣陵願相見  
拍手大笑傾新醪一飲一石無一錢莫管寒近  
脫弊袍脫袍准酒不惜醉天意未必凍我曹

烏啄棗

樹頭陽烏饑啄棗破紅遶地青蠅老青蠅雨濕  
驚不飛殘棗入泥人不掃西風落盡烏亦歸晉  
客齒黃終懊惱

真上人因送毛令傷足復傷冷

陶令歸時遠公送石苔秋雨步遲遲凌霄花在



古松上也笑向人人不知

聞道山中出入稀偶來溪上笑談微野雲不管

田袍薄寒逼瘦膚相伴歸

潘歙州怪予遠行與黃君同路黃先游

浙矣依韻酬寄

未識潘岳貌已知潘岳名去年改藩屏暫此解

佩纓一見意已合談笑僕屢更豈唯文學富况

亦論事精溪邊昔欲罷屑屑秋雨零于今又聞

蟬重起悲涼情作詩遠見招值我將西行壁

矯翼鳥革然顧侶鳴蒼山不可陟空入江上船

黃君雖云約同返明日自訪柳惲汀寒儒所向

多不成或西或東車馬驚高樓登望酸目睛欲

觀弄濤仍贈鯨新安大守空相迎舉手謝君江

水清

潘歙州寄紙三百番石硯一枚

來叔新詩笑原夫不將澄心紙寄予澄心紙出

新安郡臘月敲冰滑有餘潘侯不獨能致紙羅

紋細硯鑄龍尾墨花磨碧涵鼠鬚玉方舞盤此



與虺其紙如彼硯如北窮儒有之應暇鬼

八月七日始見白髭一莖

昔見白髭驚今見白髭喜人將拔去之我獨不然耳拔之既更生留之何所耻白日儻日拔日拔詎能已黑壯不為貴白衰不為鄙道德保於中任從髭髮齒

送僧了素游廬山

平生愛廬山夢寢不可去江上饒賈舫偶來看已飲釋子言南游徘徊瞻瀑布月飛金熨斗光展千尺素嫦娥呼織女機杼勿復措必虞山鬼笑彼紫無纖汗爾若見遠公贈之爲坐具



宛陵先生集目錄卷第三十六

送方進士遊廬山 讀日者傳答俞生

賢師持栢種至 再和潘歙州

下昭亭舟中 和寧國山六題

寄吳正仲 湯祕校遺筆

艤舟昭亭 和公擇察推

謝晏太祝遺茶具 留題開元平雲閣

送黃生 別張景嵩

別鍾京 江口遇劉都紘



送劉紉曹

寄開元寺明師假山

寄李獻甫

行路難

題姑蘇豹隱堂

雨還

哭笑鳥

山行冒雨至村家

鴉啄蛆

夜坐

八月十五夜有懷

題吏隱堂

詠嚴子陵

與潯陽舍弟別

八月見杜鵑復開

記歲

種胡麻

詠達觀禪師

穎公遺茗

送達觀歸隱靜堂

冬至感懷

冬至得三友書

擬水西東峰亭九詠

和達觀還山凡寄

九華陳生寄松筆

古柳

放鵲

聞西山虎

凍禽

登乾明碧鮮亭

隱靜遺枇杷

夢中

紅梅

寄文鑒大士

海棠



送餘干李少府

宛陵先生集卷第三十六

宋宛陵梅堯臣聖俞著

送方進士遊廬山

長風沙浪屋許大羅剎石齒水下排歷此二險  
 過湓浦始見瀑布懸蒼崖繫舟上岸入松徑三  
 日踏穿新蠟鞋路盤深谷出嶺望後山日照前  
 山靈偶逢風雨恐衣濕側倚石脇人相垂雨收  
 不覺在高處却見童僮提攜借水聲不絕鳥聲  
 好藥草香氣侵人懷老僧避俗去足跣野客就



澗開門闔樹巖隱映見寺刹層層杳杳躋雲階  
塢田將穫烏雀橫秋果正熟猴猿躩東林淡蘂  
應似舊唯此足以待爾儕子心灑落撒然往我  
方塵垢難磨措

讀日者傳答俞生

宋忠爲大夫賈誼爲博士同與休沐下訪卜長  
安市吾不如二人讀書無舉跬借曰當乘肥乘  
肥非我指唯思泉石間坐卧松風美

隱靜山懷賢師自持栢栽二十本種於

會慶堂

新作齋堂祠畫像又興高閣秘天蹤今朝還藉

君移栢昨日已因鵝種松

近以群鵝換  
松植於路傍

九月六日登舟再和潘歙州紙硯

文房四寶出二郡邇來賞愛君與予予傳澄心  
古紙樣君使製之精意餘自茲重詠南堂紙將  
今世人知首尾又得水底碧玉腴溪匠畏持如  
抱虺拜貺雙珍不可辭年衰只怕歛歛鬼

九月十一日下昭亭舟中



平生山野性坐卧愛流水適從昭亭來興自明  
河起小舟浮輕槳身入星辰裏飲牛誰家郎照  
鬢誰家子隔岸心相望翻然洲鵲喜灘頭磷磷  
石欲贈畏指毀留取自支機成都無卜士

和張簿寧國山門六題

山門

按碑本軌轍作二軌雙時作雙壁  
第六句作田作峰懸曰抱兮陣卑

尊當從  
碑本

青山中穴為大門下通軌轍高莫論飛雲出納  
不計限雙峙平削無刀痕入門復見田園羨田

外峰巒廻抱尊樓靈畜怪不可詰夔魑往往來  
守關

紫雲巖

高巖日照雲常起吹作蘭花透紋綺橫為步障  
看未收山雨一來風滿耳

夕陽巖

日脚射空金縷直下映壁間梭未織野老先知  
雨又風明朝望此重雲黑

朝陽洞



李言  
洞門雖向扶桑開洞深不放陽鳥入古來道士  
今莫逢石壁乳流苔正濕

漣漪洞

流泉泱泱出洞底自有細浪非風吹山花逐水  
到山下漏泄人間春未知

碧雲洞

誰將萬古倚雲劍刺破蒼石天窓開下貯泓淵  
不可極有時月漏清光來

將離宣城寄吳正仲

吳均詩語多奇揭苦倩鴛鴦謝明月昭亭川上  
此禽閑爲寄吳郎我西發西歸千里浮輕舟夜  
觀蟾光逆水流水流東海月西海各去雖殊意  
常在月偏皎皎隨人行水亦泔泔非浪改酒盆  
龍杓閑到吟梅花重葉將誰采

湯珙秘校遺沉水管筆一枝

沉香細榦天通中東毫爲呼諸葛翁久從海上  
厭持握乞與阮籍書途窮物珍豈宜賤子有更  
後應合歸王公虛堂淨几塵不到硯傍置架珊



瑚紅乃知用遇自有處君今莫歎居高蓬

艤舟昭亭送都官暫歸錢塘

前枉大梁城詩賦嘉入幙茲對昭亭山將行還  
有作別離此與彼終始情不薄我為解羈馬君  
乃高飛鶴塵蹄未能息健翅懷棲泊尋巢望吳  
田一傍華亭郭况多丹頂雛坐看翔寥廓

依韻公擇察推

君來何所聞君去何所見自古慕虛名徃徃輕  
既面竊常恃賦稟平直如勁箭是以五十年長

甘守貧賤相逢嗟未幾遽遠劇飛電今雖行已  
晚多謝勤相唁

晏成績太祝遺雙井茶五品茶具四枚  
近詩六十篇因以為謝

始於歐陽永叔席乃識雙井絕品茶次江東

許子春又出鷹爪與露牙鷹爪斷之光碾

成雪色浮乳花晏公風流丞相族此五色論

等差遠走犀兵至蓬巷青蕪出篋加紋柘

冰羹作精具靈味一啜驅昏邪神還氣主讀高



詠六十五篇金出沙已從鍛鍊出至寶終老不  
變傳幽遐自惟平昔所得者何異瓦礫空盈車  
滌心洗腑強為答愈苦愈拙徒興嗟

留題開元寺僊上人平雲閣

背市面山色平目觀白雲漁舟溪上歌游客欄  
邊聞俯簷翠栢瘦蔓籬秋實蕢偶來  
意靜塵  
慮如掃空

送黃生

我本東西南北人窮途不復淚霑巾亦知車馬

有行色為見長沮與問津

別張景嵩

我雖識生晚不能知我心我心昭乎水見底無  
尺尋照之不為隱測之不為深魚鱖既混混藻  
荇亦侵侵終當至滄海落日開黃余若當下灘  
去石浪激寒首猶能沈君目病昏雲銷岑

別鍾京

我憐鍾氏子月用為求文誓以經茲邁與之書  
所聞野鷗窺筆硯舟子采蒿芹况有新炊飯簞



兼可送君

江口遇劉紉曹赴鄂州寄張大卿

我同陶淵明遠憶顏光祿得錢留酒家醉卧江  
蕪綠故人已貴身獨賤籬根枯死佳花菊孤鴻  
飛去鸚鵡洲寄聲高樓謝黃鶴使君本是洛陽  
人嘗憐酪酊銅駝曲休將玉笛城上吹武昌老  
人聽不足已知清音通九霄定應悔說蕪州竹

送劉紉曹

溪邊前日君辭我江上今朝我送君自去蘆洲

寄消息故人猶在武昌軍

寄題開元寺明上人院假山

石是青苔石山非杏藹山諸峯生鏡裏小嶺傍  
池間雨不因雲出門疑爲客關何須費蠟屐暫  
到此中間

寄李獻甫

何言自我去眼前一似空城中豈無人過目猶  
飛蟲又厭塵事多秋棘生眉中安知秋江水淨  
碧如磨銅尚恨有世累不及垂釣翁望望當速



來止琴視孤鴻

行路難

途路無不通。行貧足如縛。輕裘誰家子。百金負六博。蜀道不為難。太行不為惡。平地乏一錢。寸步隣溝壑。

題姑蘇豹隱堂

青山崔嵬藏古基。文豹不見空斷碑。華堂重構猶隱霧。地今易主還好奇。欲邀明月一去飲。常娥將悔出海遲。谿邊少年意氣在。來往只借白

鹿騎自稱山人。具肴酒酒酣請我留。此辭謫僊墳近何可問。當日無詠亦所疑。

雨還

雨濛濛兮欲暮。路險絕兮深沍。嗟予懷兮甚餒。畏予馬兮顛蹄。關已度兮心緩。示將至兮涉溪。喜膝前兮童稚。餉燈下兮女妻。

哭笑息

日月轉入地。星辰蔽重雲。夜色晦若漆。怪會巢未焚。其音哭且笑。哀樂詎能分。方哭笑時曾



莫有以羣哭為何所悲笑為何所喜了不預人  
事吉凶誰復云

山行冒雨至村家

雨急芹泥滑禽鳴苦竹秋野香生草木雲濤上  
衣裘入石纜通馬穿林忽隱牛山家多淺井下  
照碧峰頭

八月九日晨興如廁有鴉啄蛆

飛鳥先日出誰知糞畔雄豈無腐鼠  
屎蟲飽腹上高樹豈肯啣西風吉凶非予聞

惡在爾躬物靈必自繫可以推始終

夜坐

夜久方慮寂空堂燈燭明落葉有暫響暗蟲無  
停聲力學不為已甘貧且徇名聊為詠懷篇還  
想阮步兵

八月十五夜有懷

天為水蒼玉月柁潭面冰萬里絕瑕玷百文已  
澄凝山河了然在星斗光莫增借問九州內豈  
無陰雲興紈懷去年秋是夜客廣陵太守歐陽



公預邀三四朋乃值連連雨共飲陳準燈既醉  
 公有詠屬和予未能強賦石屏物固慙無所稱  
 今來宛溪上聊以故歲徵晶明正若此霽霽且  
 何曾美景信難并康樂語足憑

題吏隱堂

新堂生虛明未悟追隱吏無乃隱非時唯應喧  
 可避移花莫傷根種竹不改翠牀中置素琴亦  
 見陶然意

詠嚴子陵

不顧萬乘主不屈千戶侯手澄百金魚身被一  
 羊裘借問此何耳心遠忘九州青山束寒灘濺  
 浪驚素鷗以之為朋親安慕乘華輶老氏輕璧  
 馬莊生惡犧牛終為蘊石玉負古輝巖隈

與潯陽舍弟別

昭亭潭上水下與九江通去客解輕舸落潮乘  
 順風迴頭迷遠樹沒背見飛鴻寂寞還蓬巷桓  
 彝宅近東

九月十八日山中見杜鵑花復開



山中泉壑暖幽木寒更華春鳥各噤口游子未  
還家云誰未及還對此重興嗟何必因啼血顏  
色勝曙霞

記歲

買臣四十八猶苦行召薪我免以樵給貧居年  
與均道上不謳歌妻亦無悲嗔三者固異彼異  
同雙朱輪

種胡麻

悲哀易衰老髮忽見二毛苟生亦何樂慈母年  
且高勉力向藥物曲畦聊自薈胡麻養氣血種  
以督氣節傍枝延扶踈脩筴繁橐韜霜前未堅  
好霜後可炮熬誠非騰雲術顧此實以勞

達觀禪師曇穎住隱靜蘭若或言自此  
獼猴散走不來穎嘗哂曰吾知是山批  
杷為多始至也未實故其去將實也必  
羣集後果然穎惡乎俗之好異恐傳以  
為人惑欲予詠而播之

隱靜山中寺獼猴往往過導師歸以去盧橘熟



還多禪地寧求憐居人切莫訛未嘗嫌此物任  
挂古松柯

穎公遺碧霄峰茗

到山春已晚何更有新茶峰頂應多雨天寒始  
發牙採時林狖靜蒸處石泉嘉持作衣囊祕分  
來五柳家

送達觀禪師歸隱靜寺古律二首

初逢洛陽陌再見南徐州所歷幾何時倏去二  
十秋今復振霜屨還山遠莫留我詠阮公詩

靡必沉浮誰云西海魚夜飛東海頭世人嗟識  
昧豈是歸林丘

栗林霜下熟歸摘禦窮冬帶月涉溪水過山聞  
寺鐘未嫌雲衲濕已喜野人逢且莫似盃渡滄  
波無去蹤

冬至感懷

銜泣想慈顏感物哀不平自古九泉死靡隨新  
陽生稟命異草木彼將羨勾萌人實嗣其世一  
衰復一榮



冬至日得師厚宋次道中道書

水國欲爲雪野冰將合  
河人同一陽至淚向八  
行多朋意今猶在年華  
悵似過看看四十九應  
笑此蹉跎

擬水西寺東峰亭九詠

垂澗藤

澗深連石壁石上生長  
藤孤猿來自燕緣飲下  
復登嶺無樵人跡且免  
束薪蒸

嶺上雲

我來東峰上遠見西嶺  
頭白雲忽已合向此偶  
逢僧人誰問何有自可  
忘殷憂

林中翠

蕙木總柔翠况復新晴  
時日色照欲動山翠歛  
逶迤望之如何攬舉袂  
隨風吹

棲煙鳥

斑斑遠林鳥極目波煙  
中各識時早暮不忘巢  
西東推物得真意吾將  
効陶公

古壁苔



陰壁流暗泉古苔長自好不改春與秋何如路  
傍草空山正幽藹淨綠無人掃

幽徑石

緣溪去欲遠磊砢忽礙行旁臨側身險下忽寒  
流聲幽客慣來往同此猿鳥情

寒溪草

青青色堪染欲辨不知名根陰託乳魚水底抽  
新萌康樂池上詠獨與春夢成

陰崖竹

背嶺斷崖下老竹生扶踈孤根石上引勁節松  
不如莫言霜雪多終見綠有餘

臨軒桂

山楹無惡木但有綠桂叢幽芳尚未歇飛鳥銜  
殘紅不見離騷人憔悴吟秋風

依韻和達觀禪師還山後見寄

雲歸在高嶺人見是無心矯矯將棲鳥遙遙傍  
故林南方雖有暖臘月易成陰惟恐多風雪幽  
期未可尋



九華隱士居陳生寄松管筆

春松抽瘦梗削束費長毫雞距初含潤龍鱗不  
自韜嘗為大夫後欲寫伯夷高一獲山家贈令  
吾媿汝曹

古柳

岸側古大柳誰種臨長江中自出蠹蝎百歲成  
枯腔忽值漲流沒槎牙綴旌幢腹膚藏蛟龍半  
夜雷砉聲飛霆痕尚白如斬馬陵龐條爾巨電  
至萬弩聲裂缸又為狂風摧所殘惟朽椿卧餘

越大鼎絕糞不可扛就焚以照漁駭鱗一何厖  
始知網罟細未足禁突撞隆準以脫去城下徒  
焚降我從洲上泊昏曉睨船牕始終覩變毀欲  
賦挑殘缸吾交評韓詩險韻古莫雙安得共詠  
此但嗟各他邦

放鵲并序

烏鵲啄豆于槽囿夫患之以機得鵲其羣噪如  
救為下上突掠甚急知不可脫聲蓋哀予閱之  
命釋縛放去因為之辭



鶴言 卷三十一 二百七十二  
鵲為禽之靈智今胡蹈機而不知為庸阜以困  
束今固性命之將危喜遠人之至止今始屢驗  
以如期向何預覺今此何自昏豈專心以謀食  
今昧目前之禍根苟所履必慮患今莫若去人  
遠以圖存屑餘秣以致死今誠咎爾而無耻維  
羣鳴之苦傷今使吾心之測爾予測孔孟今爾  
自解則艱阜聽予言今釋爾而還撫爾呪爾今  
爾無甚頑後誰恤爾今拓彈方轡

聞西山虎

猛虎畏白日孤客莫夜行彼以不暴衆此何獨  
忘生饑必見人食不食且無名麋鹿能遠遁安  
得逢怒獰由人不由常役役官有程

凍禽

高樹繞吾廬薄暮煙氣重將棲立傍巢已振窺  
落翬有來同枿枝亦各不懼擁颼颼陰風寒夜  
雪豈無恐

登乾明院碧鮮亭

餘喘不苟盡順俗來飯僧東嶺有上方脩竹蔽



觚稜下有蒼石案旁挂孤蔓藤繫累向塵世史  
住殊未能

隱靜遺枇杷

五月枇杷實青青味尚酸獼猴定撩亂欲待熟  
應難

正月十日五更夢中

今年花似去年新去年人比今年老我勸厚地  
一盃酒收拾白日莫苦早

紅梅

家住寒溪曲梅先雜煖春學粧如小女聚笑發  
丹唇野杏堪同舍山櫻莫與隣休吹江上笛留  
伴庾園人

寄文鑒大士

讀書夜寂冷無火捲卷遂成搖膝吟始憶高僧  
將偈去安知古寺託雲深寒堂正睡遠鐘發野  
鳥亂鳴殘月沉明日呼兒整籃輦欲煩重過小  
溪陰

海棠



卷三十一  
三百七十一

江燕入朱閣海棠繁錦條醉生燕玉頰瘦聚楚

宮腰曾不分香去尤宜着意描誰能共吹笛樹

下想前朝嘗於宋宣獻宅見圖書明皇於海棠花下卧吹觱篥寧王吹笛黃幡綽拍

送餘干李少府

作尉古來清况於干越城舟中雨新足溪上水

初生蒼獺出還沒素鷗飛且鳴休將五色棒欲

取洛陽名

宛陵先生集卷第三十六

宛陵先生集目錄卷第三十七

與二弟過溪

晚坐北軒

與諸弟訪廣教

至廣教尋古石盆寺

題王介夫蒙亭

亢陽和欲行舟者

黃鶯

送懷賢上人

送瑞竹長老

鷺

守宮

夏園

孔子廟震

寄酬晏殿丞

答李仲求寄茶

送闕令之潭州

海寺

卷三十一

目錄一



乾明院碧鮮亭

得餘干李尉書

南軒盆植蓮

朝天行

會勝院沃洲亭

江南雜感

和達觀山中見寄

送萬諤昌秀才

訪石子澗外兄林亭

和瑞式上人十詠

得晏相公書

訪施八評事

贈陳逸秀才

題陳宰戲綵亭

永慶松風亭

寄松林長老

題松林院

永州王守寄亭記

呈潘樂二君

過永慶院

廖宣城寄酒

翠竹亭

彩霓亭

留別樂和之

松風亭

雪中懷真上人

別施八評事

春日拜壠

昭亭祠喜雨

若訥上人彈琴

發昭亭

乘舟訪聰上人

過鴈洲

別達觀文鑑

和文鑑贈別



宛陵先生集卷第三十七

宋宛陵梅堯臣聖俞著

與二弟過溪至廣教蘭若

溪水今尚淺涉馬不及韉岸口出近郭野徑通  
平田行行渡小橋泱泱響細泉萬木陰古殿一  
燈明象筵長廊顏頡碑字體家法傳空堂裴相  
真白髯垂過咽名跡兩不滅豈獨盡與鑄高僧  
鑿崖腹建閣將雲連秘此龍鸞迹足使臣僕虔  
脩竹間長松森衛若被堅是必神物護禹穴空



木言  
二百七十八  
歲年飯訖過山後井傍攜茗煎探幽偶轉谷忽  
視昭亭巔蔓草不識名步側時得牽幽禽聲各  
異可辨唯杜鵑似鷺俗客來聒聒兩耳邊弊廬  
隔城堞畏暮遽言還道逢張羅歸鳥媒兼死懸  
遂同山梁雉令我復喟然聊追一日事書以爲  
短篇

晚坐北軒望昭亭山

少客兩京間熟遊嵩與華歸來宛溪上馱往昭

辭前有謝咀嚼在人口甘美如食蔗方同陶淵  
明苦語近田舍節行固不變出處亦多怕常防  
惡少年豪橫使出跨譬如故將軍尚被亭長罵  
不若守弊廬讀書至中夜

與諸弟及李少府訪廣教文鑒師

山僧邀我輩置酒比陶潛紫蕨老堪食青梅酸  
不嫌野蜂時入座巖鳥或窺簷薄暮未能去前  
溪月似鎌

至廣教因尋古石盆寺



古寺近田家山尋石盆差化蟲懸縊女啼護響  
 縑車僧坐樹間石馬行溪畔沙野香無處辨歸  
 路傍城斜郡人不知古石盆寺在此山之傍舊  
 基存焉山中有井相共可二里豈圖  
 經所傳裴休并歟近城有石盆寺其側亦云裴  
 相井者恐非是何則杜牧有石盆山詩是寺因  
 山名也從近城莫究其由  
 呼盞為盆必風俗訛也

觀王介夫蒙亭記因記題蒙亭

吾年將五十尚未暇讀易一聞蒙亭說乃見適  
 所適維時明進退豈不在泉石野服製升越山  
 庖盛雞蹠床頭龍唇琴案上科斗籍風物稍佳  
 時把酒會三益况以兄為郎仕也人豈迫重之  
 愛之深自匪逢時客

亢陽和欲行舟者

春秋書閔雨乃見先生制有意在黎民山川無  
 不祭今者望雲霓青天絕織翳為壇割舒鴈盤  
 血陳水汭于時頗精虔奠爵必親澆向夕有微  
 陰掃然還復霽吾聞先儒言陽驕不能閉此時  
 繫穹旻已力安所詣宣王雲漢詩曾不鑒上帝  
 恨無慕盪舟空自思躍蟻



黃鶯

內家初上翠微宮樹裏窺人在半空笑語漸高  
無約束侍臣偷望向雲中

西鄰少年今出遊東家女兒未識羞門前烏白  
葉已暗日暮問誰牆上頭

送懷賢上人歸隱靜兼寄達觀禪師

適從山中來復向山中去為報山中人莫厭山  
中住近城塵土多亂爾煙霞趣野蜂銜漆汁尚  
欲為蒂固息此可以安其能忘我論

送瑞竹長老歸當塗因寄徐著作

謝傳青山路春來蔓草生樵蘇猶不入瓶錫莫  
能行朝上野船去宿逢溪雨鳴多應見康樂曾

重遠公名

和師承嗣達觀  
觀徐君頗稱之

鶯

桑間小婦好聲音映葉穿枝意已深盡日呼郎  
郎不應蕭蕭風雨到前林

守宮

嘗聞漢武帝偶問東方朔臣擬作龍呼慙無頭



上角

夏園

夏園其果熟日覺樹林稀休笑道傍李無人摘  
自肥

孔子廟震 宣城

霹靂下虛殿破楹非夢凶昔嘗瞻畫衮今實見  
升龍隱隱雷聲散踈踈霧氣從予知仲尼廟不  
是蓄乖慵

寄酬睦州晏殿丞

渚渾吐明月杳杳及吾廬流彩滿懷袖託情非  
烏魚朝因南澗雨暮入北畦鋤豈不藉餘潤况  
茲方餽蔬

李仲求寄建溪洪井茶七品云愈少愈

佳未知嘗何如耳因條而答之

忽有西山使始遺七品茶末品無水暈六品無  
沉粗五品散雲脚四品浮粟花三品若瓊乳二  
品罕所加絕品不可議甘香焉等差一日嘗一  
甌六腑無昏邪夜枕不得寐月樹聞啼鴉憂來



唯覺衰可驗唯齒牙動搖有三四妨咀連左車  
髮亦足驚踈踈點霜華乃思平生遊但恨江  
路賒安得一見之煮泉相與誇

送闕令之潭州寧鄉

秋風逆水急挂席飛鳥輕三江去雖遠一日行  
幾程朝辭洞庭岸暮抵巴陵城長沙古建國地  
狹賦薄征邑宰愛民者選薦豈非精既曰處民  
上固當知民情民居篁竹間山獠相雜并教道  
苟未至毫髮心起爭太剛易斷折太柔難措  
貴在得中道於焉無近名聞多不祥烏似鴉何  
足驚遠方此爲常慎勿心屏營賈誼度湘水爲  
文弔屈平因君寄盃酒爲我酌買生

軋明院碧鮮亭

壞衣削髮遠塵垢地祖龍孫生屋後不等涓川  
千戶侯尺椽片瓦何嘗有方丈東頭一畝餘中  
軒四面無窓牖青瓊作枝鈿爲葉丹鳳未食蒼  
鼠走細簾織榻白晝眠寢濃鼻息如雷吼世間  
百事不歷心門外寒流徹溪口



得餘干李尉書錄示唐人于越亭詩因  
以寄題

餘水之干越之鄙築基相對琵琶尾琵琶日日  
有秋聲鴈過洞庭風入葦南斗戛湖波不起長  
刀剡峰碧耳耳姱娥夜出在寒溪青銅瑩磨光  
幾里朝因吳客幅蒲輕滿紙如蠶書可喜

南軒盆植重臺蓮移種池

彤雲赤霧生緒房朝霞變葉朱粉光白玉入泥  
不滿盃羽蓋衰露明月璫濁水一石亂畫甃鑿

池五丈如斗方萍根科斗得白口在荷芰明年出  
水火

朝天行

大車高蓋徐方來天子雙目延英開犀靴踏玉  
陛東陛從臣賜對論宮市諫官御史如指排捧  
土未能障濁水大夫言幹天關廻黃門白望顏  
色死始時暴奪何縱橫有貨晝日不敢行他時  
五方虵當酒誰道張郎臨井口

會勝院沃洲亭



前溪夾洲後溪澗風吹細浪龍鱗活孤亭一入  
野氣深松上藤蘿籬上葛葛花葛蔓無斷時女  
蘿莫翦連古枝當年吾叔讀書處夜夜濕螢來  
復去

江南雜感

樹頭巧婦棲樹下秋蟲織壞衣游子心千里嘗  
相憶蕩子脚出門便作浮萍根憂來憑五兆拜  
樹蹇黃豚

依韻和達觀師山中見寄

獷豕在塗龍在澤豺狼食肉麝食栢蹄毛與角  
不對齒啄莆兩足副以鬮既能閑閑住深谷豈  
使于于佩鳴玉水邊看虹山雨霽夜與明月歸  
獨宿門前重嶺後羣峰石樓朱殿藏林中銅絲  
緊轉輓轆轤絡緯秋老蒙西風榮利淡薄無易  
此彼飲甘醲茲飲水暫將分別向喉舌何異聲  
色亂眼耳孔孟久歿言可師千古布散葉與枝  
今來閉戶自有趣世上法法非我爲

送萬諤昌秀才



志士不戀家安能坐咬咀  
儒冠難徒行馬骨瘦  
可數後僕隔山陂前林  
遇風雨寒村夜宿時寂  
默誰對語

訪石子澗外兄林亭

前日秋水漲昨日秋水落  
偶來尋隱居曾不乖  
宿諾竹底除舊徑藤蔓繫  
新約馬留岸傍樹風  
掃林下籜既能置魯酒  
又復餉楚餽誰知北南  
澗照影似清洛平生愛幽  
曠歛迹誠非錯

和端式上人十詠

幽谷泉

幽谷有飛泉入溪知幾里  
跳珠濺木葉激雨霏  
巖趾但無箕穎人曾不吝  
洗耳

古木陰

古木少直枝其下多曲影  
豈不愛高陰奈此性  
所乘千重葉蒼翳誰願憇  
日末

寒溪石

翠聳寒溪上半隱寒松下  
水鳥立稜角淵魚游  
穴罅尋常置庭檻瑣細不  
知價



孤汀頰

瀟湘歸去人正值江南春始願逢拾羽今乃見  
採蘋寄語柳使君莫恨日已曛

雲際鐘

煙昏青櫟道風急隔溪鐘征馬未及息猛虎前  
有蹤尋聲欲投宿僮僕畏所逢

垂崖鞭

崖竹出石壁根瘦懸青虵磔髯露老節斫骨點  
寒花少年莫翦去騎殺白鼻騮

天外峰

天外一尺峰國中千仞嶽垂雲不掩蔽萬里見  
頭角世人看遠碧誰識產芝璞

秋原菊

不為潭上英不助離邊醉獨占蘭杞隣原頭自  
榮悴陶令與太鑿逢人豈無意

漁舟火

蘆洲一點明知有漁人泊江溟杳不分誰方在  
高閣是時孤鴈去應認光中落



春溪水

春水冰欲開傍岸已微釋魚鱗未動鱗獸渡時  
有跡篙師畏割舟敲拉碎圭壘

十月二十一日得許昌晏相公書

哀憂向二年朋戚誰與書敢意大丞相尺題傳  
義廬從來鳳凰鳴不馱寒竹踈茂林多翔鳥要  
路盛高車窮巷一如此江深無鯉魚

訪施八評事

施允今七十近郭隱茅廬懶問齊民術喜看莊  
叟書竹間鳴澗水原際見村墟識盡窮通理超  
然樂有餘

贈陳無逸秀才

良犬不取鼠其人苦尤之近識固未辨善相义  
能知在鹿忘守穴控足乃焉而士有志功名局  
縮秉書詩憔悴未得展磬折忽言卑舉酒一以  
贈願無羞爾爲

題陳宰戲絲亭

仕宦固已美及親此其難况慕五綵戲而奉興



居安翁喜君亦喜翁餐君亦餐嗷嗷園中禽口  
哺心違九邑大歲幸稔衆賴仁政寬還思彼赤  
子如恐君不歡

末慶僧舍松風亭

誰按黃金微滿指清風度但聽松上聲不知松  
間趣野僧何所樂樂此數株樹寧邀俗客來草  
綠澗西路

寄松林長老

大松五丈自歲餘小松五尺前時種俱有堅完  
不朽心莫以今輕古爲重東溪一片寒玉光夜  
挂高枝何所用

題松林院

靜邃無塵地青燄續焰燈木魚傳飯鼓山衲見  
歸僧野色寒多霧溪痕夜閣冰吾非謝康樂獨  
往亦何能

永州守王公慥寄九巖亭記云此地疑  
是柳子厚所說萬石亭也因爲二百言  
以答願當留詠



天地磨今古賢愚爲埃塵草樹易變改山川無  
故新眷言零陵守白髮駕朱輪閒來問遺老俯  
跡哀昔人昔人者誰歟元和前放臣下上窮幽  
荒憔悴楚水濱試觀當此記圖寫未必真最苦  
來黃溪坐石數游鱗有鳥大如鵠東向立不跋  
始買鋤罈鄧杜難計緡冉溪袁家洞亂石多  
磷磷深里與沸白若盡無窮津石渠連巖泓菖  
蒲被其根窮勝得其詭叢美誰齊均西澗石爲  
底豈無芹與蘋澗崖如堂席澗響如龍唇折竹  
掃陳葉羅榻同衆賓其言粲星斗百歲猶比  
萬石乃淺近尚可資覆巾而况前所說但恐煩  
鑄玦

潘樂二君對雪寄聲似欲予賦適方  
之走筆奉呈

南方今見雪北客定思家任凍不欺酒競春  
著花樓高休賦上山近未應遮誰問窮居日  
窻壓竹斜

過永慶院



荒涼舊蘭若古屋兩三重庭下已無栢澗邊唯  
有松石堦生薜荔香座缺芙蓉化俗似禪衲破  
來縫不縫

雪中廖宣城寄酒

輕舟泛泛昭亭灣春雪漫漫昭亭山寒沙曲渚  
香不辨素鷗翔鷺空中還宣城太守閔窮旅雙  
壺貯醞兵吏頒任從六花塞船戶滿酌春色生  
衰顏醒時但愛雲水好醉後等與天地閑世間  
取樂各有分何必舞娥高髻鬟

翠竹亭

種竹幾千箇結亭三四椽遊人多寂靜啼鳥亦  
留連酒有陶公愛林希阮氏賢我來歸路遠躍  
馬古城邊

彩霓亭

高出嶺頭樹俯窺城下溪半山飛急雨舉手弄  
晴霓曠望已無極萬綠都與齊自嗟來獨晚征  
棹苦言西

留別樂和之



雪消潭水綠輕舸下灘時漸轉青山去還將故  
國辭野林看欲動江燕欲逢遲君語隨州體余  
慙晚始知

松風亭

冉冉竹連澗森森松蔭崖始聞清吹度似欲綠  
琴諧莫識主人意休論高士懷春城百花發薜  
荔上陰階

雪中懷廣教真上人

蒼山去不遠日日起寒雲臺上看飛雪水邊思  
練裙銅餅生薄凍桂火壓殘薰欲往有餘興林  
幽路不分

下赤山嶺過渡至石子澗別施八評事  
三歲守廬次兩迴來澗邊臨塘愛魚樂近竹見  
人賢今我西歸日逢君小隱年重將車馬去驚  
起野鷗眠

春日拜壠經田家

田家春作日日近丹杏破類場圃頭南嶺禽過  
北嶺叫高田水入低田流桑牙將綻霧露衰蠶



子未浴箱篚收我還朝固不遠紫宸已夢瞻  
珠旒

將行賽昭亭祠喜雨

未生潭上雲空望山中雨湛湛陳桂樽坎坎奏  
鼙鼓蕭蕭靈風來蹲蹲祝郎舞莫言春作遲但  
念寒灘阻何當發泉源綠水浸沙渚不與農者  
期自將舟人語定作榜歌行暮投丹湖浦瞻祠  
草樹失認嶺煙霞吐平吞東南吳遠帶西北楚  
川澤見坡陁龍蛇蹙鱗管人經輿寤歎事往成  
前古考碑何驗今塗馬立空廡余知骨相貧豈  
敢望冥許願乘溪流深滂沛隨徹俎

若訥上人彈琴

祥哀已踰月遇子彈鳴琴安得不成聲子心異  
吾心十日成笙歌尼父非好音先王禮有節不  
可過於今莫作風入松懷壠情未任一聞流水  
曲歸思在溪陰此焉吾所樂目極送歸禽

發昭亭 二月十三日

春泥深一尺車馬重重跡親舊各還城山川空



向夕今朝水平岸不畏舟礙債始隨湍漲發已  
入青蒼壁落日未逢人孤村望來客泱泱漫田  
流青青被壠麥欲霽鳩亂鳴將耕杏先白我無  
農畝懃千里事行役寄謝昭亭神果不吝深澤

乘小舟訪松山法聰上人

我從溪口來正值山前雨濕衣逢梵宮有僧善  
吳語天寒蜜已空軒靜竹可數歸楫難久留汀  
鷗自飛舞

鴈過洲 六言

船從鴈洲北去鴈背春風亦歸但見平沙綠水  
藜蒿荻筍方肥

別達觀文鑒二大士

雲衲山中來畫橈江上發何日到山中山花應  
未歇

依韻和文鑒師贈別

來見寒沙鳥長隨上下波乃知游宦跡不似施  
松蘿子語馬喻馬吾吟柯伐柯清江挂帆去柰  
憶故山何



宛陵先生集卷錄卷第三十八

贈袁大監

和達觀贈別

蕪湖阻風

和達觀文鑒見懷

讀月石屏詩

自此皇祐五年五月至京後

暴雨

和宋中道喜至

齊國公主挽詞

招隱堂寄樂郎中

貸米於如晦

送渭州劉太保

送張洞晏相辟

送張著作宰蘄水

和瘦盆

太廟致齋答韓舍人



送張著作宰上元 劉原甫觀相國寺

和裴如晦秋懷 送張寺丞青幕

送徐秘校廬州監酒

子華江南安撫 周仲章潤州倅

弟著作宰南陵 和鄰幾有菊無酒

五知堂 贈陳孝子庸

和原甫過相國寺淨土院

李端明席上花燭 送李祠部滑州

送王正仲長官 解後木芙蓉

傷驥

陳丞相燕息園

和普上人古琴 和胡舍人見疇

題三教圓通堂 設贈示坐客

杜挺之新得和州 鄰幾邀食餽飽

幽廟 十月十八日

送鄴宰王峻丞 金陵與張傳師飲

阻風寄刁安國 阻風秦淮

江上遇雷雨 登瓜步山



宛陵先生集卷第三十八

宋宛陵梅堯臣聖俞著

贈袁大監

人以祿為榮當知身所重祿榮身且勞豈要權  
衡用達人唯止足曷顧百鐘俸今朝西山歸芝  
木不須種莊生逸老言此必久已誦矩法况自  
持推年心可縱

依韻和達觀禪師贈別

平生少壯日百事牽於情今年輒五十所向唯



直誠既不慕富貴亦不防巧傾寧爲目前利寧  
愛身後名文史玩朝夕操行蹈賢英下不以傲  
接上不以意迎衆人欣立異此心常自平譬如  
先後花結實秋共成趙壹雖空囊鄭子豈其卿  
二人貧且隱高譽動天京我蹟固尚賤我道未  
嘗輕力遵仁義塗曷畏萬里程安能苟榮祿擾  
擾復營營近因喪已除偶得存餘生強欲活妻  
子勉焉事徂征徂征江浦上鷗鳥莫相驚

蕪湖阻風

春風任惡花自笑白浪不愁頭已白戢戢大船  
江浦邊崑崙五兩誰非客

依韻和達觀文鑒雨中見懷

出浦候波平石尤風未止密雨長蒲牙輕泥隨  
燕子寒侵遠客衣岸起新痕水各各欲還山還  
山能幾里

讀月石屏詩

自此起皇祐三年五月至京後

余觀二人作詩論月石月在天上石在山下安  
得石上有月蹟至矣歐陽公知不可詰不竟述



欲使來者默自釋蘇子苦豪邁何用強引犀角  
蚌蛤巧擗析犀蛤動活有情想石無情想已非  
的吾謂此石之蹟雖似月不能行天成紀曆曾  
無纖毫光不若燈照夕徒為頑璞一片圓溫潤  
又不似圭璧乃有桂樹獨扶踈常娥玉兔了莫  
覓無此等物豈可靈祗以為屏安足惜吾嗟才  
薄不復詠略評二詩庶有益

暴雨

雲薄風回雨點塵日腥土氣隨吸呼蒸然襲汗  
猶揮珠屋瓦裂響波生渠森森斗覺涼侵膚毛  
根癩瘡粟匝軀已知燠寒變須臾雷電不止投  
笑壺槐端漏影日向晡馬蹄莫惜行泥塗

和宋中道喜至次用其韻

予從江南來見子東涌榛問子何不治子兄游  
浴瀕子素樂文字而復養慈親去年始陞朝差  
差陪縉紳今也與吾肩行立笑語頻未經鬢髮  
改喜預班綴新思如曩時會浩飲不計巡徃謁  
持約史文辭媿彬彬謂將一乘粟欲敵千箱困



然而澤中蛇時得龍一鱗况復周孔教幸逢舜  
禹辰又究志所之茲學豈不臻誰其起子者視  
子為席珍趨韓亦已工比孟猶欠淳慎勿驚怪  
奇怪奇世多擯吾慙遼東豕未見西狩麟汨汨  
塵泥間曷辨玉與珉昨來忽有所知索非所循  
使馬轉磨衡安得目不眴誠聞苑囿美難遣康  
鹿馴自惟體衰蕭寧堪事艱辛宜收蹭蹬迹却  
返江湖濱浸脰水活活漫灘石磷磷垂釣紅簪  
登舉袂白羽振以此全吾性胡能往問津非同  
子少年柯葉正蓁蓁

齊國大長公主挽詞二首

賢行聞當世尊隆異故常每令夫結友不為子  
求郎夜月初沉海姑星忽墮潢臨門親祖祭悲  
吹起脩岡

曾館當年盛秦臺此日遙龍歸終合劍鳳去不  
聞簫挽曲方傳薩行輻競莫椒空餘漢官屬泣  
送馬如潮

招隱堂寄題樂郎中



日哦招隱詩日誦歸田賦未嘗見芸人勇拋冠  
冕去今聞緱山陰身退効速傳一旦從犢車歡  
言友田父復來釣澗邊誰問袁公路

貸米於如晦

舉家鳴鵝鴈突冷無晨炊大貧丐小貧安能不  
相嗤幸存顏氏帖况有陶公詩乞米與乞食皆  
是前人爲

送渭州劉太保

月黑見旄頭芒角漸西向八月邊草黃胡人馬  
初壯無奈我兵雄方爲漢偏將嘗聞登壇人亦  
未免得喪得爲凱歌還鏡鼓喧亭障千蹄使椎  
牛百甕令設醯喪乃軍之羞節制由處上進退  
從其呼何能求必當二事非已專願思古挾纊

送張推官洞赴宴相公辟

送子居大梁關中乃關外往者邊事繁秦民被  
災害今聞獨豐穰逮埃無動櫓相公欲動勞請  
以臨都會多選天下才佐佑如何賴決疑有全  
策何必用著蔡雖病君強行寶刀仍喜帶豈是



為俗儒空言事夸大

送張著作器宰斬水

予聞楚山竹肉好髮亦勻隴上風雪飽石根莓  
苔皴搜林翦橫吹龍子愁水濱作邑尚簡易豈  
必蹈昔人願為季長賦安用瑤與珉

和瘦孟

物以美好稱或以醜惡用美惡固無然逢時乃  
亦共棄則為所輕用則為所重道聞瘦木器愛  
賞互歌頌定應初得之買不論官俸饋回生豈  
輝斯飲發狂縱坐欲置於傍行欲挈以從其形  
何險怪曾不因孰種凹凸本自然出縮非鬪縫  
薄才難究窮詆訶茲實恐

太廟致齋答韓舍人簡

齋舍隔墻東蕭蕭槐樹風聲顏雖不接翰墨迹  
能通未說涼堪飲唯愁賦少工此焉知素拙試  
與問楊雄

送張著作孟侯宰上元

天衢車馬跡急若機上梭義雖平生篤不越一



再過夫子累顧我言歸泛長河得邑美建業風  
流猶可歌依稀江令宅秋草應更多五題誰復  
詠鍾將與差我

劉原甫觀相國寺淨土楊惠之塑像吳  
道子畫又越僧鼓琴閩僧寫真予解其  
說

吾儕來都下將踰三十春不聞此畫塑想予得  
亦新茲寺臨大道常多車馬塵設如前日手晦  
昧已惑人曷分今與古曷辯僞與真閩緇圖  
姿越釋彈龍唇但知五綵爛徒謂五音淳孰  
商聲高孰驚聒子神不能評譜品索玉翻得珉  
二君才調高言若羽翮振將令尋常工千歲傳  
不泯

依韻和裴如晦秋懷

老葉已足蠹風振猶在柯高高低低聲切切感  
我多不念四散飛尖圓競相磨當茲思再春宛  
然同俟河莫驚衡山鴈莫問洞庭波徒聞漢武  
帝獨有橫汾歌



送張諷寺丞赴青州幕

朝廷久清明賢相出賢牧賢牧又選賢森森備  
官屬是以邦政脩良農播嘉穀上無租賦逋下  
有困廩蓄往者河朔饑奔送劇鳧驚富公鎮青  
社有來咸鞠育病者調藥劑起者飼餽粥老稚  
四十萬瘦骨生壯肉鄉縣將遣歸田園皆可復  
爲之置長犁爲之置黃犢既完身上衣又付橐  
中粟庭下再拜辭望城皆感哭他人守一方境  
內猶不足至今趙魏間食飲常酹祝富公難

高平公德業人

勞撲上體憂勤心掃滅  
若無玷玉八字分濃眉純漆  
他時爲書功誰惜千毫禿

徐秘校廬州監酒

盛稻熟蟹正肥况身爲酒官醇耐飲  
家人醉徒自使世譏與君伯氏好試



華江南安撫

宣德澤煦如春風馳寒潮不起浪情  
枯威馮夷借問何致耳試聽將所  
老勞以哀衿詞我從大明  
歲屢凶吏不恤汝疲已輸又索羅  
此非陛下意恐汝疾苦汝告我不憚  
汝治父老必  
一無不宜

道婦女闢短籬行聞江漢間復有宣王詩

周仲章通判潤州

井澗京口山斷崖如華洛抱谷黃芹泥百文聳  
垠塢山嶺與江面地脉水可度欲鑿無淺泉孰  
云南土薄君為別乘去便比世州樂已免卑濕  
憂仍離鴉鷁惡况逢休明時秋堞罷嚴柝夜愛  
寒江湖月臨甘露閣置酒發浩歌萬里波欲卻  
霜蟹肥可釣水鱗活堪斫縱飲不須休未應滄  
海涸終當笑揚雄窮壁常寂寞更知首陽人薇



蘇事亦錯不若阮步兵醉鞍伸  
兩脚太守必吾徒儻能時就酌

弟著作宰南陵

新買紫騮馬欲歸清弋江去彈琴  
鴈獨來認鳥鳧雙橐實收盈筐  
濃醅熟滿缸弟况相憶否風  
燭舊西窗

和江隣幾有菊無酒

種菊將飲酒菊開酒無有雖不負  
兩日且已負爾口昨日三四人淡  
坐饑腹吼徒索與哦其傍誰能置  
升斗當時陶淵明籬下望亦义幸  
賴白示人不愧采盈手悠然事頗  
同必竟醉則否

五知堂

代人與任少傅

履道坊中白家宅五橋莊北晉公  
堂昔年二老曾相樂今日五知名  
獨光舉事是非都不問接花時節  
暫能忙清尊雅曲易爲厭自有圖  
書列在傍

贈陳孝子庸

康州水邊龍母墳草樹蒙蒙起風  
雨五色五蛇



時往來野鼠不穴墳上土嗟哉異類猶厚親豈  
 彼人兮忘恃怙果生陳子孝且仁終日劬劬在  
 民伍天清天順感其和嘉禾駢枝立如股遐鄉  
 歎慕為爾隣太守欣言出吾部中州士人傳以  
 夸照頑爍孽良有補唯時火德君道明粵南祝  
 融孝所生若然寧獨一陳生築堠表廬從此敷

和原甫同鄰幾過相國寺淨土院因觀

楊惠之塑吳道子畫聽越僧琴聞僧寫

宋賈二公真

青槐夾馳道方轡下麒麟謁來游紺宇歷玩同  
 逡巡吳畫與楊塑在昔稱絕倫深殿留舊迹鮮  
 逢真賞人一見如宿遇舉袂自拂塵金碧發光  
 彩物象生精神歲月雖已深奇妙不愧新驚嗟  
 豈無意振播還有因乃知至精手安得久晦堙  
 二僧感識別請以已藝陳或彈中散曲或出丞  
 相直覽古仍獲今未枉停車輪

李端明宅花燭席上賦

百兩禮將陳王家集上賓花光濃照席燭艷暖



迴春已接冰壺潤寧辭翠筇醇自慙持短調重  
對玉堂人

送李祠部知滑州

自古重名器未嘗輕授人煌煌東郡守燦燦兩  
朱輪父祖繼居此恩榮誰與隣秋風度河水馬  
足不生塵

送王正仲長官

汴渠泝復汭自可見遲速來時遲有糧去恨速  
無穀有糧安計程無穀不遑宿霜高萬物枯源  
水縮溪谷黃流半泥沙勢淺見蹙澳千里東歸  
船何日下清瀆澹澹風雨寒長沙噓鴈鷺將投  
孤戍遙四顧危檣獨強語慰妻奴多虞賴僮僕  
到家秣已收綴樹橘始熟折腰無慙陶懷遺焉  
媿陸我方羨子行送望不移目

解後木芙蓉

託根地雖卑凌霜花亦茂物稟固不遷人情自  
爲陋幸與時菊開誰嗟發孤秀楚人搴木末已  
見離騷就



傷驥

駑驥同一輶遲速能幾里當其被問時舉策數  
耳耳馳騁心獨存壓抑頭不起空傳八駿名未  
遇穆天子

陳丞相燕息園

少仕既勤勞暮節念君息小車辭漢庭緇衣賦  
衛國廣園樹嘉木鳴鳥來野色京水魚可縉東  
陂鴈可弋豈不有秦聲酒酣歌在側寧同扶風  
人自去北山北

依韻和普上人古琴見贈

獨蠶絲爲絃九竅珥爲軫彈風松颼颼聽水流  
泯泯欣者舉袖舞悲者欲涕墮若此輒動人于  
時固能準虞舜今在上南薰思無盡

依韻和胡舍人見言

西垣閣老號文雄辭體能兼兩漢風絳帳舊生  
雖授學灞陵歸將已無功校文豈論居三上賦  
分由來本下中不恨早朝秋雨急猶陪鴛鷺大  
明宮



題三教圓通堂

處中最靈智人與天地參其間有物老曷又推  
為三共以圓通出誠明自包含排楹壓文礎煥  
采塗朱藍而將置吾儒復欲籠彼駟二徒不自  
曉恬若均笑談越鳥不巢北代馬不嘶南固亦  
辨殊上麟驚唯時堪

設贈示坐容

汴河西引黃河枝黃流未凍鯉魚肥隨鉤出水  
賣都市不惜百金持與歸我家少婦磨寶刀破  
鱗不省暑如欲飛蕭蕭雲葉落盤面照粟霽  
縷衣楚橙作糞香出屋賓朋競至排入扉呼兒  
便索沃腥酒倒腸飫腹無相譏逡巡餅竭上馬  
去意氣不說西山薇

杜挺之新得和州將出京遺予薪芻豆

魯公馬病不可出陶令言拙徒扣門舉家食粥  
焉用怪但願漉酒巾常存長安終儒勝方朔水  
邊漂母王哀孫王孫功名立四極方朔談十  
至尊我才不及三二子摧藏自愧趨權闕前時



未叔寄乘粟一秋已免憂朝昏  
令君益之薪與菽老馬病骨生精魂  
昨聞新拜歷陽守王國久客  
虱處禪都水借船輕復淺急  
趁寒汗流渾渾耳清眼明見  
野色一聽江鶴醒若噴餘糧  
滯鈍不暇惜均於朋契惟義  
惇設如河涸膠在步縣邑亦  
足供雞豚却嗟我甑有時匱  
莫與太倉黃鼠論

江鄰幾邀食餽飽學言謾成

老肌瘦腹喜食熟况乃十月  
相侵清與君共貧君餉我吹  
壘不學屈大夫前時我膾斫  
頰鯉滿坐驚呢卒笑呼誠知  
舉筯意淺狹一餐豈計有與  
無

幽廟

老狐依叢祠妖橫起百怪巢  
梟助鳴聲穴鬼資狡獪巫給  
神靈言浴奏飲食拜三年空  
禱祈萬疾無愈差臙臊日已  
熾疑與誰敢懈近者勇丈夫  
發揭窟乃壞始時驚其狂今  
盡喜其快在茸毛尚存獨使  
尾徒大廟貌更一新願以邪  
爲戒



十月十八日

霜梧葉盡枝影踈井上青絲轉轆轤西廂舞娥  
艷如玉東楮貴郎才且都纏頭誰惜萬錢錦映  
耳自有明月珠一爲轆轤情不已一爲梧桐心  
不枯此心此情日相近卷起飛泉注玉壺

送鄞宰王殿丞

君行問埼鮎姝物可講解一寸明月腹中有小  
碧蟹生意各騰騰黔角容决决願言寬賦刑越  
俗又疲憊

金陵與張十二傳師賞心亭飲

但嗟識君遲不恨春風惡風惡舟未前置酒去  
談謔漁歌還浦頭斜日下洲角明朝渡江去相  
望便成昨

阻風寄刁安國

江風裂瓦鳴浦口驚浪作君駕何不來客心空  
寂寞

阻風秦淮令狐度支寄酒

春風不獨開春木能蹙浪花高似屋江船百岸



泊深灣鐵纜千環繫長軸遠客今朝愁未平  
主人贈榼飲還足前時共論酒可禁急世救弊  
且勿速我今正得盃中趣効陶種秫置心曲

江上遇雷雨

雷從燕尾來雨到江心急挂帆中路時望浦前  
舟入聲喧釜瓦裂點疾盪盪立蕩搖魚鼈腥恐  
懼兒女泣稍聞人好語出顧岸已及蘆洲有同  
行言嘻氣吸吸

登瓜步山二首

瓜步山頭廟堂因魏武興亡歸從赤壁事去憶  
西陵軍井藏雲杪林根擁石稜微風認江水細  
甲幾千層

山上濃雲合江南暴雨來將歸林下嶺中路遇  
風雷心速灣猶遠行遲伴屢催舟師添繫纜兒  
女望人迴



宛陵先生集目錄卷第三十九

韓子華遺冰

宣三館觀瑞蓮

和吳冲卿秋蟲

陌上二女

無悔

弔瑞新和尚

和冲卿新葺南齋

江鄰幾遷居

聞刁景純侍女瘡已

景純期原甫飲

永濟倉書事

和幾道暑夜懷寄

和孫侔鴈蕩

赴景純招作將進酒



薛簡肅夫人挽詞 送淮南孫提刑

詠原甫林檎花 送張寺丞富公辟

送淮南李轉運 重送楊明叔

送董秀才之汝陰 送張子野知渝州

送楊子充知資陽縣

送司馬君實鄆州倅

送陳殿丞知韶州 寄岳州孫屯田

大愚

目錄終

宛陵先生集卷第三十九

宋宛陵梅堯臣聖俞著

韓子華遺冰

六月侍臣方賜冰我賦得之從友朋開盤一見  
水玉璞置坐百步無青蠅熱膚收汗起疹粟不  
有消渴同茂陵杜子每思赤脚踏韓老嘗苦如  
甑烝慙無二公才與學享此足與俗輩矜

二十二日起居退聞宣三館諸公觀瑞

蓮



來朝十二旒將出未央殿微聞嘉蓮開獨許侍  
臣見嘉蓮其如何層樓擁霞片玉輦下天泉日  
夏不知倦恩魚應亦喜跳沫珠欲濺誰憐與衆  
歸博士臣疏賤

依韻吳冲卿秋蟲

梧桐葉未老露滴玉井牀秋蟲如里胥促織何  
苦忙苒苒機上絲入夜爲鼠傷織婦中夕起投  
梭重徊徨那聞草根聲膏入然肝腸天子固明  
聖措意如陶唐下民唯力穡不見田疇荒豈知  
哀歛人督責矜健強所以機中女心關日月光  
年年租稅在聒耳信已常哀哉四海人無不由  
此戕吳侯當廳時靜坐愛初涼方將同佳人歡  
樂舉盃觴繁鳴雜蟣蟪感愴情不皇况蒙朝家  
恩兄弟登俊良意慮宜恤物以慰衆所望今者  
秋蟲篇不異七月章

陌上二女

素手寒暮羅柔纖明春萸轉眄動桂葉陽語啓  
瓠犀阿姊金盛珠阿妹繅籍圭吹香襲行路豈



獨下蔡迷

無悔

婦人未四十容貌已改前男年踰五十嗜慾固  
自偏勿以色敵心色衰心易遷勿以愛恃久愛  
移久多慙明鏡知惡看何須妬婢媼

弔瑞新和尚

示化何悲戚俱焚只衲衣已隨原火盡空見野  
雲飛寫影誰方丈栽松舊翠微當年渡江鉢弟  
子獨將歸

依韻和吳冲卿新葺南齋

移病新秋厭直廬自將僮僕治前除已栽楚客  
江邊草不學嚴陵瀨上漁紅穗拂欄何藉粲綠  
叢無水亦蕭疎從今有月君須飲况與朋親共  
舍居

江鄰幾遷居

聞君遷新居應比舊居好復此假布囊家具何  
草草我貧無囊假來僮笑欲倒所笑還往人生  
計不足道非用僮僕知雖貧自懷寶



聞刁景純侍女瘡已

前時君家飲不見吹笛姬君言彼娉婷病瘡久  
屢治隔日作寒熱經時銷膏脂鑿師尤飲食冷  
滑滯在脾次聞有鬼物水火陰以施乃因道士  
逐實得鬼所爲手灑桃枝湯足學夏禹馳呵叱  
出門牆勿復顧嘔遺今雖病且已皮骨尚尪羸  
豈暇理舊曲未能盡蛾眉當期重相見風月臨  
前墀

景純以侍兒病期與原甫月圓爲飲

古龍水底鳴素秋江雲不飛江買愁金陵舊族  
天祿游家有善笛能娛侯憶侯前年罷姑孰自  
買蘄州飽霜竹腮肥頂瘦裁青玉鑽鑿商聲五  
音足牛渚磯邊夜泊時平波不起月中吹老魚  
跳舞龜出泥雌蛟怨泣雄鼉悲新還中都人罕  
知交親奏酒隔簾幃丹脣一發妙響馳醉客欲  
見寧非癡昨夜劉郎辭玉卮主人勸謝當勿疑  
渠今纏瘧尚苦羸他日海蟾圓未遲圓未遲涼  
肝脾畏肝熱生腦脂生脛脂不得窺



求濟倉書事

神武立四極收兵銷衆豪輸糧來萬國積庾下  
 千艘貌虎肥於豢麒麟老向槽中州無殍餓南  
 土竭脂膏黃鼠羣何畏青鳩啄且噉古梁生菌  
 耳朽堵出蟻螯樹腹懸蛇蛻絲窠挂鳥毛塵埃  
 雖自汨朱墨亦能操直宿愁風雨經年弊褐袍  
 仲尼猶作吏我輩勿爲勞

依韻和磁守王幾道屯田暑夜懷寄

地厚天青冥故交榮謝并何當一壺酒以昔相  
 與傾君今二千石未往戀山楹山楹夜對月孤  
 懷豈忘情貴者幾何逝賤者幾何生夏簟且安  
 寢明星上東城

依韻和孫侔鴈蕩二首

海邊巉絕有蒼山怪怪奇奇物象閑百丈素流  
 珠噴薄千重紅樹火回環遠尋僧寺石屏下時  
 遇野人雲屋間今日京華見君說便思輕舸出  
 東關

鴈蕩高高路莫通嶺蘆秋翼入雲峰山頭水澗



不見影巖下沙平時有蹤千仞柱天何歛閃萬  
工揮筆漫輕濃葛巾蠟屐未能著空羨青蒼重  
復重

赴刁景純招作將進酒呈同會

日光如鎔金湧上滄海流一朝復一朝鑄出萬  
古愁大鑪石破碎世事安得休明月只照夜時  
時如屈鉤常娥與玉兔擣藥何所瘳大患不白  
治更被蝦蟆偷我思天地間二物最取尤措置  
尚如此細故曷用憂著書欲傳道未必如孔丘  
當時及後代見薄彼耽周功名信難立德行從  
自脩勞勞於我生帶挂同贅疣不如聽隣笛就  
其舉盃甌笛不煩教養酒不煩取求從今醉至  
春從夏醉至秋勿禁雞狔魚間薦鶉鴈鳩况多  
南方物醜醒美咽喉計較無以過試共玩籍謀  
薛簡肅夫人挽詞四首

蕭公當貴日小吏引輕軒四德有遺美六親無  
異言立孤傳世嗣垂範在閨門澮水終歸柎秋  
雲逐去翬



嘗聞求子婿不似怒其公莫以昔人比皆爲當  
世雄家聲新慶續國禮舊恩隆必與齊姜墓千  
秋蠟樹同

冠劍將朝去常知好直言戒辭猶可託先見久  
應存瑩白冰兼玉清芬蕙與蓀堂塗從此閉何  
日卜丘原

美合周詩播鬼先岱嶽歸空堂遷舊榻素月照  
靈衣珠翠香沉匣丹青影挂幃百年親戚淚餅  
作露霏霏

送淮南提刑孫學士

淮南木老霜欲飛順令恐縱諸侯威命書纔出  
邸掾謁已見衣繡車迎歸樂莫我聽筵莫迓清  
如蟾蜍夜吐暉不須久作平反吏自合橫經親  
帝闈

八月三日詠原甫庭前林檎花

秋蠹無完葉踈叢有瘁莖偶來庭樹下重看露  
葩榮衆自守常理獨開偏見情從今數霜月結  
子尚能成



送河陽通判張寺丞從富公辟子諒

張公愛神鐔佩服近玉麟又拭華陰土光彩一  
以新百里無惡獸千里無冤人今朝欲何之去  
上延平津應當出匣飛騰波決秋旻

送淮南轉運李學士君錫

王都重兵廩命使總八方淮南舟車衝三楚籠  
利長惟時有才彥數計等桑羊八月賜詔行朱  
旆插大航汴湍入秋漲東鼓下鏜鏜今日發大  
梁明朝過睢陽睢陽授經地父老認道傍同業

八十人或貴或為郎先生歟大官弟子無荷少

乃知詩書傳要在明三綱隋未聞仲淹來學去

佐唐唐初稱名臣鮮及杜與房親見慕義人專

門起輝光我聞房杜流已顯惟王張雲漢幾萬

里星宇爭耀芒歸來立螭頭莫愛魚稻鄉君錫與王

伯庸張端明同在睢陽希文講下

重送楊明叔并序

行而有以贖者助所不足也車馬子有裘服子  
有貨貝子有所可贈者詩言爾故先為七言以



送將以道彼美而樂乎往也子不爲重邀予以  
規又作五言應其請

君將會稽去舊蹟可以嬉子因狀其美贈子臨  
路岐子不以爲樂但願有以規噫吾豈無說畏  
子未及禪旣求不語子吾曷忝子欺前年子渡  
淮夜泊洪澤湄有鬼稱使者來告風波期子時  
再拜謝乃被隣船嗤逡巡鬼復至復附船家兒  
怒彼慢嗤士明當使驚危船兒傍舷迴走若一  
足夔翌日各解舟出浦風動旗子獨乘安流

受橫浪吹此言傳馬他人知昨今  
蘊備送果不疑魏俗素重思慎勿啓其私子  
有仁義子腹有書詩子嘗談王道怪語固未宜  
近聞蘇才翁問子辟者誰得非外戚侯子怒已  
豈眉今我倘得罪甘與蘇同之

送黃傅秀才之汝陰

社燕已歸盡秋鷺猶繞林久爲梁國客不起灞  
陵心徒步赴朋館遠遊無素金注君丈人意莫  
入楚鄉深鄰幾常止此行



送張子野屯田知渝州

舊居茗溪上久客咸陽東歸來得虎符馳馬向  
巴中歌將聽巴人舞欲教渝童况嘗善秦聲樂  
彼渝人風忠州白使君竹枝詞頗工行當繼其  
美貢葛勿忽忽

送楊子充

愈知資陽縣

家近古臨邛聞多木蘭樹其人襲芳馨乃有相  
如賦成名三十年始見列鴛鴦出爲資陽長秋  
鬢已點素天子愛黔黎歸與蜀民諭當時同洛  
陽過半作丘墓屈指今所存無如君最故唯酒  
可餞行不飲車空駐

送司馬學士君實通判鄆州

君家世典史君復續祖爲蘭臺未成書汶陽從  
已知將行我何贈一誦溪堂詩聞彼多蒲魚可  
助鼎與卮在昔阮嗣宗初赴東平時醉扶乘蹇  
驢圖畫猶可披今見國門外徒馭不驅馳十里  
馬一歇五里車一脂不得同鴈羣相送過寒陂

送陳殿丞知韶州

從益



韶州使君行請問韶石名傳聞古帝舜石上奏  
九成鳳皇爲之下朱鳥不復鳴舊祠亡玉琯四  
序安得平至今南方熱臘月裘服輕事外共廢  
酒曲江風物清

寄岳州孫屯田

琳

從來洞庭好都在岳陽樓明月一千里寒光三  
萬秋年華有時盡風物不知休太守憐予句應  
如沈隱侯

大愚

大愚不量能品藻輒已出朝以軻爲同暮以丘  
爲四某人豈鷹雀鳩蛤化五日指鹿危二世師  
歆造新室雖云詐力尚終日殞斧鑕

宛陵先生集卷第三十九

每詩

卷三十九

六十六



不言

卷五

宛陵先生集目錄卷第四十

寧陵阻風雨

新霜感

過淮

淮陰

抄羅樹

就野人買兔

使風船

淮陰侯廟

又平律一首

入滿浦

許發運見過

登泰山日觀峯

重過瓜步山

發長蘆江口

龍女祠祈順風

西施



金陵三首

丫頭石

漫書

閔冢

雪中發江寧浦

登采石山

効阮步兵

阻風宿大信口

早發大信口

黃池月下共酌

泊昭亭山下

送鹽官劉少府

和酬杜太師

和簽判謝雨過

和正仲重臺梅花

讀重臺梅花詩

和重臺梅花

和答正仲見贈

正仲靈濟觀重臺梅

和文鑑喜予往還

和達觀穎師

題邵氏園居

嘗正仲惠撥醅

和正仲寄酒

春雨

春夜聞雨

早春出行



宛陵先生集卷第四

宋宛陵梅堯臣聖俞著

宛陵阻風雨寄都下親舊

晝夜風不止寒樹噉未休人言雨殺風雨急風  
 未柔獨扶慈母喪淚與河水流河水有冬竭淚  
 泉長在眸子生五十二再解官居憂昨者母疾  
 亟骨肉相聚愁素中無一錢緩急何可求母當  
 臨終時囑我貧莫羞隨宜具棺殮厚貧壓人頭  
 死事定無益生償且無由泣涕聽母言心腸如



刻鉤小子雖不令長養恩曷酬旦夕期速平後  
事勿預謀願母強藥食更延百千秋回云莫望  
我我竟已飛遊語畢忽奄逝撫膺呼裂喉未能  
一物備迷亂將安投艱窘見風義乃有令朋儔  
致賻或錢或取力李與劉廷老禁省及石渠莫  
助日不月裴楊乞銘蓋文篆古復遭如晦潭饒  
兩大艦朝索暮泛浮哀憐荷君子才德慙未脩  
三日違大梁兩宿此遲留聊書同些挽試託楚  
人謳

新霜感

前日衣上露今日衣上霜我母竟何之膏火磨  
我勝隔栢三寸地如在萬里鄉嗥呼不聞聲飲  
食空置傍昔時憂我寒縫衣綉線長線長必絮  
厚要與風霜當又每恐我饑羹靡自訓嘗此身  
內外間莫得頃刻忘舉衣不忍著舉筋不下吭  
一念百感生欲問天蒼蒼

過淮

侍親數數來浮汴護襦還迢復渡淮昔嘗曾無



御寒具細君唯有隱居釵月銜遂入魚銜浪潮  
退長汀蚌閣崖素服華顛色相似青銅不忍見  
形骸

淮陰

天下滔滔久厭秦英雄蛇鼠竄荆榛少年豪橫  
知多少不及沙頭一婦人

杪櫛樹

李龜有詩

杪櫛古樹常占歲在昔曾看北海碑今日四方  
俱大稔不知榮悴向何哉

就野人買兔

霜濃草白兔初肥蒼鵲調拳獵犬攜剩付錢刀  
買庖餽不須緣徑更求蹄

使風船

清淮直上水連天坐看高帆後復前自是乘風  
有遲速不由人力愛爭先

淮陰侯廟

韓信未遇時忍饑坐垂釣歸來淮陰市又復逢  
惡少使之出胯下一市皆大笑龍蛇忽雲騰蛭



蝨豈能料亡命乃為將出奇還破趙用兵不患  
多所向孰敢標功名塞天地翦刈等蒿藿于今  
千百年水上見孤廟鷺銜葭下魚相呼尚嗚叫  
高皇四海平有酒不共酌古來稱英雄去就可  
以照

又平律一首

漢家天下將廟古像公主百戰自忘楚一時空  
王齊鄉人奏簫鼓舟子賽豚雞不改寒潮水朝  
平暮復低

入滿浦

馬頭攬岸斗鷺尾泊船齊風送寒潮急雲藏晚  
日低逢人多楚語問客煮吳雞難覓枚臯宅蒼  
葭處處迷

許發運待制見過夜話

許公運國儲歲入六百萬上莫究所來下莫有  
剥怨十年無纖乏功利潛亦建昨除侍從官聊  
為磨世鈍比於以舌得此豈愧物論較量多少  
間未足數劉晏大計苟窘費曷不使預筭欲倍



卽能倍但勿惑謗訕擾民可以奪食官可以竄  
要付與權衡一切出果斷嗚呼任智力長短固  
有限制財猶制兵太甚則生亂公譬淮陰侯多  
多自益辨我今聽其談夜去爲扼腕書之俟采  
詩咨訪不可緩

登泰山日觀峰

并序

予泊瓜步山下夢王景彝問韋應物日觀峰詩  
予卽誦知語不屬謂景彝曰當爲檢韋集覺而  
函閱韋集無此題尚記夢中所誦首句云晨登  
日觀峰遂續補之

晨登日觀峰海水黃金鎔浴出車輪光隨天行  
無蹤正視刺我日攢集如劔鋒照耀萬物興磨  
滅萬物凶草木旣無命必聞石間松當時一避  
雨安得大夫封人而苟不遇抱簡誦六龍

重過瓜步山

魏武敗忘歸孤軍處山頂雖憐江上浦鑿巖山  
巔并豈是欲勞兵防患在萌穎我昔常登臨徘  
徊愛晴景片雨西北來風雷變俄頃疾行下危



言  
卷四  
三五  
二頁六  
磴屨脫不及整霑濡入舟中幼子喜抱頸問我  
適何之衣濕不太冷昨暮泊其陽月黑夜正永  
鴈從沙際鳴旅枕自耿耿平明夾櫓去廟樹聳  
寒嶺舉首生白雲飄搖水中影

發長蘆江口

篙師施工相整衣龍女廟中來罕狶野祝擊鼓  
降神語老鴉銜肉上樹飛長江無風平似削雨  
櫓夾舸行將歸南國山川都不改傷心慈姥舊  
時磯

龍女祠祈順風

龍母龍相依風雲隨所變舟人請予往出廟旗  
脚轉旗指西南歸飛帆疾流電長蘆江口發平  
明白鷺洲前已朝膳竹根盃玦不欺人世間然  
諸空當面

西施

濺濺溪流散苒苒石髮開一朝辭浣沙去上姑  
蘇臺歌舞學未穩越兵俄已來門上子胥目吳  
人豈不哀層宮有麋鹿朱顏爲土灰水邊同時



伴貧賤猶摘梅食梅莫厭酸禍福不我猜

金陵三首

恃險不能久六朝今已亡山形象龍虎宮地牧  
牛羊江上鷗無數城中草自長臨流邀月飲莫  
挂一毫芒

金陵逢曉雪撩亂逗雲來已失烏衣巷還成白  
玉臺山盤猶隱見江轉似昭回一聽高樓笛依  
稀認落梅

每入秦淮口風波更不憂重看後庭樹還起舊  
時愁故老都無有遺蹤莫可求何人能識意白  
鷺在寒洲

丫頭石 此碑也在金陵斷石岡上有吳文帝字焉

丫頭石雖斷文字未全訛年筭赤烏近書疑黃  
象多幾時經霹靂異代見干戈更與千秋看松  
煤定費摩

漫書

蒲葵兩錢扇漫寫未嫌輕老媪持將去無端色  
不平



閔冢 吳天冊中

盜發廣陵冢及扉開石樞中環走徹道高濶可  
 通車五尺銅鑄人執兵冠服朱壁石刻位號列  
 侍幽宮隅殿將將軍屬侍郎常侍俱啓棺見其  
 尸鬢斑顏未渝白壁十雙藉雲母一尺鋪黃金  
 塞耳鼻千歲不腐枯生為貴與富死與人未殊  
 後世逢暴禍雖久將焉如堯舜及周孔豈不固  
 形軀

雪中發江寧浦至采石

泊舟斫枯葭歎火藝岸傍冒嶺雲冥濛漫江雪  
 飛揚拖冰脩網澀出水朱鬢矍矍然起遠懷風  
 旗轉危檣千帆共辭浦攬錯逆水翔落星始前  
 瞻瞬目已後相魴魚何時來楊花吹茫茫沙草  
 不可辨鴈立知汀長山頭化石婦忽變素質光  
 豈復願聞笛莫逢桓野玉

登采石山上廣濟寺

船從山下過直上見僧軒繫纜登磯石綠崖到  
 寺門短籬遮竹瀼危路踏松根却看滄江底帆



歸煙外昏

效阮步兵一日復一日 二首

一日復一日一朝復一昏來新去成故俯仰變  
涼溫有貴卽有賤未若賤常存駢牛慕孤犢黃  
犬悲東門禍福相爲基損益不復言吾祖入吳  
市應龍非伏轅

一日復一日一晨復一夕四序相盛衰三辰運  
光魄下上有常理憂患何時易先爛泣金燃先  
焚歎薪積但願遠世網焚爛不能責麒麟出非  
時未免西狩獲鷗鳥浮洪波已預海客

阻風宿大信口

東梁如印蠶西梁如游魚二山夾大江早暮潮  
吸噓解舟辭姑熟速欲還吾廬風逆未可前泊  
浦近煙墟波中事網罟乘月多夜擊冰灘聚鳴  
鴈霜葭正踈踈是時昂畢中曠渺天地虛靜坐  
人已眠我慮久洗如自起取美酒獨酌邀蟾蜍  
蟾蜍射白光入盞亦躊躕醉來不解舞欲攬常  
娥怯肯對謫僊人此意復在予既醒裂尺素立



作數行書寄與青山家精靈其有諸

早發大信口

犬吠知船解村墟尚閉門霜泥粘纜尾冰水閣  
潮痕撇撇鷓鴣去纖纖舴艋昏梅湖到不遠寄  
信向田園

黃池月下共酌得池字

將歸謝公郡喜見阮家兒但對月和水刑能酒  
似池衰形疑鏡照葆鬢怯霜吹宿鴈不堪託解  
人知未知

泊昭亭山下得亭字

雲中峯午午潭上樹亭亭又作大梁客貧留小  
阮醒難愁江舸澀祠信楚巫靈日暮渡頭立山  
歌不可聽

送鹽官劉少府古賢

我祖南昌尉時危棄去僊劉郎從宦日天子治  
平年燥茗山中火熬波海上煙吳民不爲盜唯  
此撓君權

太師杜相公篇章真草過人遠甚而特



獎後進流于詠言輒依韻和

杜詩嘗說少陵豪祖德兼誇翰墨高蘇李為奴

令侍席鍾王北面使持毫子美祖審言嘗自謂我詩可使蘇李為奴

我書可使鍾王北面郊麟作瑞唯逢趾天馬能行不辨毛

一誦東山零兩句無心更學楚離騷

依韻和僉判都官昭亭謝雨迴廣教見

懷

賽雨何從事高情苦愛山謝公聯句後謝公有昭亭

雨與何從事聯句詩惠遠過溪間笑處巖相答歸時酒在

顏端憂守窮巷無力共躋攀

依韻和吳正仲屯田重臺梅花詩

桃花已滿秦人洞杏樹猶存董奉祠莫怪寒梅

獨多葉只緣樂府有新詩

讀吳正仲重臺梅花詩此樹在靈濟土廟

楚梅何多葉縹帶攢瓊瑰常惜歲景盡每先春

風開龍沙雪為友青女霜作媒託根適廟堂結

子助鼎捺吳侯本吳人筆力高崔嵬但詠同姓

木予非梁棟材



依韻和正仲重臺梅花

芳梅何舊精素葉吐層層近臘寒猶勁先春氣  
已承冷香傳去遠靜艷密還增有意常欺雪無  
功合鏤冰早煙籠玉暖凍雨浴脂凝漢女新粧  
薄燕姬瘦骨稜壓枝唯恐折簇萼似難勝神物  
終來護江鄉未解矜獨竒心豈欲寄遠客何曾  
不見黃鸝度寧防粉蝶凌月光臨更好溪水照  
偏能畫軸開雲霧宮刀翦綵繒都無筆可銜莫  
信巧堪憑丹杏塵多雜夭桃俗所稱故林嘗渴

望大庾更愁登重和陽春曲聲辭猥媿仍

正仲見贈依韻和答

平生好書詩一意在抱槩既無缺雲劍身世遭  
黜黜耻游公相門甘自守恬淡妻孥每寒饑內  
愧劇剗惜時賴二三友乞米慰窮慙雖然情懷  
惡亦未廢誦覽如負會稽辱欲雪效嘗膽作文  
持與人百不得一領聖猶嗜好殊獨取菖蒲歎  
我愚希六義將使鬼神感譬彼捕長鯨區區只  
持晉青天挂虹霓踴跂不可攀太華五千仞安



學巨靈撼幸且同蛙黽近樂在井坎蒼髮况種  
種存非衛髦吳侯琅玕姿而來視亂莢鳳皇  
五色毛曷羨未翅蝻染夏有正采安用此淺黥  
乃知叔度陂萬頃見澄澹孟軻患為師薄劣亦  
何敢

正仲往靈濟廟觀重臺梅

玉盤疊捧溪女歸魚鱗作室待水湄竹間山鬼  
入夜啼古廟久閉誰啓扉屈原憔悴江之沂  
芙蓉木蘭託興微賈誼未召絳灌擠香草嘉禾徒

三非習無爭辭切訶譏國風幸賴相因休

懷韻和昭亭山廣教院文鑑大士喜予

往還

山暖春煙重林昏古寺藏溪流過曉漲嶺樹見  
新行馬去侵雲蹟風來襲野芳禪衣頻斗藪蠟  
屐莫趨踏飛鼠時過擲饑禽或下頰憑欄何所  
適望堞正相當捧膳溪童絜啣花鹿女香登臨  
無險絕不似畏巖墻

依韻答達觀禪師頴公



梅詩 卷四十一 一百四十四  
霜露每懷感江山空復情老便林室靜坐默巷  
童聲盡日都無語逢人亦強迎浮生過等一白安  
用此虛名

題姑蘇邵氏園

積水夫差國閭馬魯妻  
科雲起海城角竹  
連陰鷺入池塘花開鳥  
興深應當効疎傳不  
惜橐中金

嘗正仲所遺撥醋

屈原自著漁父篇餽精不及漁父賢世無功名  
多浪死劉伶阮藉于今博邇來獨酌邀明月唯  
有青山李謫僊謫僊歿後幾百年市樓日沽千  
萬錢沉酒豈少當道眠文字不見空月圓吳均  
之孫何我憐雙壺貯酷持置前豈乏阮李詩與  
真淺飲強對春風妍

依韻和正仲寄酒因戲之

上字黃封誰可識偷傳王氏法應真清淮始變  
酷猶薄句水薪來味更醇欲擬比酥酥少色曾  
持勸客客何人紅梅雖是吾家物老去無心一



醉春

清淮酒本玉九  
傳法於山陽

春雨

春雨霽霽鳴百舌  
林花淡淡洗燕脂  
眼前耳底催人殺  
不醉三盃大是癡

春夜聞雨

風味正不寢  
驟來寒氣增  
簷斜滴野籜  
窓缺望春燈  
孺子睡中語  
歸人行不能  
前溪波暗長  
定已沒灘稜

早春田行

風雪雙羊路  
梅花溪上村  
鳥呼知木暖  
雲濕覺山昏  
婦子來陂下  
囊壺置樹根  
予非陶靖節  
老去愛田園

